

**FAAFINTA  
OFFICIAL  
الرسمية**



**RASMIGA AH  
BULLETIN  
الجريدة**

EE JAMHURIYADDA SOOMAALIYA

Sanadka 1aad

Muqdisho, 15 April 2013

L. 4

Laanta Maamulka Faafinta Rasmiga ah  
Ee Xafiiska Garyaqanka Guud ee Dawladda

**FAAFIN BIL SOO BAXA**

Qiimadu: Waa XXX Doollar lambar waliba – **RUKUNKA:** Sanaddii waa XXX Doollar Soomaaliya gudaheeda – dibaddeedana waa XXX Doollar. Rukunka la weydiisto waqtiga loo gooyay wuxuu ka biaabmaa 1 Janaayo. Qiimaha Qoritaanku F.R halkii sadar iyo waxii ka yar waa XXX doollar – Rukunka iyo qoriaanku waxaa la waydiistaa Laanta Maamulka Faafinta Rasmiga ah – Lacagta waxaa lagu bixinaya Xafiiska Canshuuraha ee Wasaaradda Maaliyadda

**KOBNIIN****BOGGA KOOWAAD****SHARCI****W.M****BOGGA LABAAD****X E E R**

XEER MADAXWEYNAHA J.S Lr. 293, taariikh 25/12/2011

Magacaabis Agaasimaha Taakuleynta Madaxtooyada

Bog. 4

XEER MADAXWEYNAHA J.S Lr. 286, taariikh 26/07/2012

Magacaabis Maareeyaha Guud ee Wakaaladda Batroolka Soomaaliyeed

Bog. 5

XEER MADAXWEYNAHA J.S Lr. 301, taariikh 26/07/2012

Magacaabis Degmo Cusub

Bog. 6

FAAFINTA

OFFICIAL

الرسمية

RASMIGA AH

BULLETIN

الجريدة

EE JAMHURIYADDA SOOMAALIYA

Sanadka 1aad

Muqdisho, 15 April 2013

L. 4

Laanta Maamulka Faafinta Rasmiga ah  
Ee Xafiiska Garyaqaanka Guud ee Dawladda

### FAAFIN BIL SOO BAXA

Qiimadu: Waa XXX Doollar lambar waliba – RUKUNKA: Sanaddii waa XXX Doollar Soomaaliya gudaheeda – dibaddeedana waa XXX Doollar. Rukunka la weydiisto waqtiga loo gooyay wuxuu ka biaabmaa I Janaayo. Qiimaha Qoritaanku F.R halkii sadar iyo waxii ka yar waa XXX doollar – Rukunka iyo qoriaanku waxaa la waydiistaa Laanta Maamulka Faafinta Rasmiga ah – Lacagta waxaa lagu bixinaya Xafiiska Caanhuuraha ee Wasaaradda Maaliyadda

KOBNIIN

BOGGA KOOWAAD

SHARCI

W.M

BOGGA LABAAD

X E E R

XEER MADAXWEYNAHA J.S Lr. 293, taariikh 25/12/2011

Magacaabis Agaasimaha Taakuleynta Madaxtooyada

Bog. 4

XEER MADAXWEYNAHA J.S Lr. 286, taariikh 26/07/2012

Magacaabis Maareeyaha Guud ee Wakaaladda Batroolka Soomaaliyeed

Bog. 5

XEER MADAXWEYNAHA J.S Lr. 301, taariikh 26/07/2012

Magacaabis Degmo Cusub

Bog. 6

XEER MADAXWEYNAHA J.S Lr. 366, taariikh 09/08/2012 <b>Dhismaha Hay'adda Maareynta Masübooyinka Soomaaliyeed</b>	<b>Bog. 7</b>
XEER MADAXWEYNAHA J.S Lr. 405, taariikh 16/08/2012 <b>Magacaabis Nootaayo</b>	<b>Bog. 10</b>
XEER MADAXWEYNAHA J.S Lr. 461, taariikh 25/08/2012 <b>Magacaabis Nootaayo</b>	<b>Bog. 11</b>
XEER MADAXWEYNAHA J.F.S Lr. 10, taariikh 20/09/2012 <b>Magacaabis Agaasimaha Guud ee Madaxtooyada (Chief of Staff)</b>	<b>Bog. 12</b>
XEER MADAXWEYNAHA J.S Lr. 13, taariikh 22/09/2012 <b>Magacaabid Madaxa Hab-maamuuska ee Madaxtooyada</b>	<b>Bog. 13</b>
XEER MADAXWEYNAHA J.F.S Lr. 18, taariikh 06/10/2012 <b>Oggolaansho ku Qaadid Dacwad Ciqaabeed</b>	<b>Bog. 14</b>
XEER MADAXWEYNAHA J.F.S. Lr. 23, taariikh 25/10/2012 <b>Oggolaanshaha Miisaaniyad Saddex Biloodle ah</b>	<b>Bog. 15</b>
XEER MADAXWEYNAHA J.F.S. Lr. 024, taariikh 04/11/2012 <b>Magacaabis Golaha Wasiirrada Xukuumadda Jamhuuriyadda Federaalka Soomaaliyeed</b>	<b>Bog. 22</b>
XEER MADAXWEYNAHA J.F.S. Lr. 44, taariikh 15/12/2012 <b>Unugga Madaxtooyada ee Ka-talabixinta Istaraatijiyadda Siyaasadda, Qorshaynta Dhaqaale, Nabadjelyada iyo Xasilinta Qaranka.</b>	<b>Bog. 24</b>
XEER MADAXWEYNAHA J.F.S. Lr. 29, taariikh 20/12/2012 <b>Dallacsiiin Saraakiil</b>	<b>Bog. 25</b>
XEER MADAXWEYNAHA J.F.S. Lr. 30, taariikh 05/01/2013 <b>Oggolaanshaha Miisaaniyad Sanadka 2013</b>	<b>Bog. 26</b>
XEER MADAXWEYNAHA J.F.S. Lr. 31, taariikh 13/01/2013 <b>Oggolaansho Dil Toogasho</b>	<b>Bog. 27</b>
XEER MADAXWEYNAHA J.F.S. Lr. 32, taariikh 13/01/2013 <b>Magacaabidda Guddoomiyaha Bankiga Dhexe</b>	<b>Bog. 29</b>

XEER MADAXWEYNAHA J.F.S. Lr. 42, taariikh 04/02/2013 *Bog. 30*  
Magacaabidda Guddiga KMG ee Gobolka Baay iyo Degnada Baydhabo

XEER MADAXWEYNAHA J.F.S. Lr. 46, taariikh 12/02/2013  
Magacaabid Guddoomiyaha Somali Airlines *Bog. 32*

XEER MADAXWEYNAHA J.F.S. Lr. 48, taariikh 14/02/2013  
Oggolaansho Dil Toogasho *Bog. 33*

XEER MADAXWEYNAHA J.S F. Lr. 49, taariikh 14/02/2013  
Oggolaansho Dil Toogasho *Bog. 35*

---

**BOGGA SEDEXAAB**

**TALOOYIN, ISGAARSIIN, OGEYSIIS IYO WAXII LA MID·AH**

**W. M**

---

XEER MADAXWEYNAHA J.S Lr. 293, taariikh 25/12/2011

Magacaabis Agaasimaha Taakuleynta Madaxtooyada

MADAXWEYNAHA JAMHUURIYADDA SOOMAALIYA

**Markuu Arkay:** - Qodobka 44aad faqradda laad Xarafka "e" ee Axdiya FKMG.

**Markuu Arkay:** - Xeerka Sharciga Shaqaalaha Rayidka ee Dawladda Lr. 11 ee soo baxay 5ta Desembar 2006.

**Markuu Garwaaqsaday:** - Baahida loo qabo dhameystirka dhismaha Hay'adaha Dawladda gaar ahaan Madaxtooyada

**Markuu Tixgeliyay:** - Waayo aragnimada iyo aqoonta uu leeyahay Mudanaha loo magacaabayo xilkan:

**Wuxuu Xeeriay:**

**Qodobka 1aad**

Waxaa Hilowle Abuukar Maxamed loo magacaabay Agaasimaha Taakuleynta Madaxweynaha.

**Qodobka 2aad**

Masuulkan ku tilmaaman Xeerkaan wuxuu xaq u yeelanayaan wixii xuquuq ah oo ay kafaalo qaadayaan shuruucda xagga sare ku xusan & Sharciga Shaqaalaha Rayidka Dalka.

**Qodobka 3aad**

Xeerkan wuxuu dhaqangelayaa marka uu saxixo Madaxweynaha Jamhuuriyadda Soomaaliya, waxaana lagu soo saarayaa Faafinta Rasmiga ah ee Dawladda.

MUQDISHO 25/11/2011

Madaxweynaha J. Soomaaliya

*Shariif Sheekh Axmed*

XEER MADAXWEYNAHA J.S Lr. 286, taariikh 26/07/2012  
Magacaabid Maareeyaha Guud ee Wakaaladda Batroolka Soomaaliyed

**MADAXWEYNAHA JAMHUURIYADDA SOOMAALIYA**

- Markuu Arkay:** - Qodobka 39aad faqradda laad "C" Qodobka 44aad Faqradda laad Xarafka "e" ee Axdigaa KMG ah.
- Markuu Arkay:-** Soo jeedinta Wasiirka Wasaaradda Biyaha, Tamarta, Batroolka, Kheyraadka & Macdanta Lr. WBTBM/XW/073/12 ee 25/07/2012.
- Markuu Arkay:-** In loo baahan yahay in dib loo soo nooleeyo Wakaaladdii Batroolka Soomaaliyed si loo horumariyo loona kobciyo Wakaaladdii Batroolka.
- Markuu Tixgeliyay:** - Sida loogu baahan yahay in la helo Wakaalad maamusha horumarinta Batroolka Soomaaliya.

**Wuxuu soo saaray Xeerkaan soo socda:**

**Qodobka 1aad**

Waxaa lagama maarmaan noqotay in Wakaaladda Batroolka Soomaaliya loo magacaabo ciddii hoggaamin laheyd si dib loogu soo nooleeyo Hay'adihiin udub dhexaadka u ahaa Qaranimada Soomaaliyed.

**Qodobka 2aad**

Wuxuu Madaxweynaha Jamhuuriyadda Soomaaliya u magacaabay Dr. Xuseen Cali Axmed in uu noqdo Maareeyaha Guud ee Wakaaladda Batroolka Soomaaliyed.

**Qodobka 3aad**

Xeerkan wuxuu dhaqangelaya marka uu saxiixo Madaxweynaha Jamhuuriyadda Soomaaliya, waxaana lagu soo saarayaa Faafinta Rasmiga ah ee Dawladda.

**MUQDISHO 26/07/2012**

Madaxweynaha J. Soomaaliya  
*Shariif Sheekh Axmed*

XEER MADAXWEYNAHA J.S Lr. 301, taariikh 26/07/2012  
Magacaabis Degmo Cusub

MADAXWEYNAHA JAMHURIYADDA SOOMAALIYA

**Markuu Arkay:** - Qodobka 39aad, faqradda 1aad Xarafka "a" iyo faqradda 2aad ee isla qodobkaan ee Axdiga FKMG ah.

**Markuu Arkay:** - Xeerka Lr. 6 ee 12ka Febaraaayo 1980.

**Markuu Arkay:** - Warqadda Wasiirka Arrimaha Gudaha & Amniga Qaranka Lr. WAG&AQ/1/2-60/12 ee July 16, 2012, kuna saabsan soo jeedin Magacaabid Degmo.

**Wuxuu soo saaray Xeerkaan soo Socda**

**Qodobka 1aad**

Waxaa la oggolaaday in Caqabooy oo ka tirsan Gobolka Hiiraan loo aqoonsado Degmo laga bilaabo maanta oo ay taariikhdu tahay 26 July 2012.

**Qodobka 2aad**

Xeerkana wuxuu dhaqangelayaan marka uu saxiyo Madaxweynaha Jamhuuriyadda Soomaaliya, waxaan lagu soo saarayaa Faafinta Rasmiga ah ee Dawladda.

MUQDISHO 25/07/2012

Madaxweynaha J. Soomaaliya  
*Shariif Sheekh Axmed*

XEER MADAXWEYNAHA J.S Lr. 366, taariikh 09/08/2012  
Dhismaha Hay'adaha Maareynta Masiibooyinka Soomaaliyeed

## MADAXWEYNAHA JAMHUURIYADDA SOOMAALIYA

**Markkuu Arkay:** - Qodobka 44/4 (b) ee Axdiga KMG ee JFS

**Markuu Arkay:-** Sharci Lr. 14 ee 03dii Janaayo 1962, kuna saabsan Nidaamka Dawladda (Ordinamento Governo)

**Markuu Tixgeliyay:** - Go'aanka Golaha Wasiirrada iyo Wareegtadii Ra'iisul Wasaaraha Lr. REF-XRW/000000.782/08.2011 ee 3dii Agoosto 2011.

**Markuu Garwaaqsaday:-** In ay lagama maarmaan tahay in la dhiso Hay'ad Madax-bannaan oo u qaabaysan ka hortagga iyo maareynta Masiibooyinka, sidoo kalena maamusha oo habeysa barnamijiyada iyo deeqaha wax looga qabanayo masiibooyinkaas.

### Wuxuu soo saaray Xeerkaan:

#### *Qodobka 1aad Dhismaha Hay'adda*

1. Waxaa Xeerkan lagu dhisay Hay'ad lagu magacaabo Hay'adda Maareynta Masiibooyinka Soomaaliyeed, oo loo soo gaabiyo (SODMA) oo u taagan (Somali Disaster Management Agency).
2. Hay'addu waa mid madax bannaan oo leh jiritaan iyio shakhsiyad sharciyeed.
3. Hay'addu waxay heshiisyoo iyo is-afgarad la geli karta hay'adaha dhigeeda ah ee Dawladaha.
4. Xarunta Hay'adu waa Caasimadda Muqdisho, waxayna laamo iyo xafiisyoo ku yeelaneysa Gobollada iyo Degmooyinka dalka oo dhan.
5. Hay'addu waxay hoos imaanaysaa Wasiirka Wasaaradda Arrimaha Gudaha & Amniga Qaranka oo ku leh kormeer, toosin, awaamiir iyo in laga siiyo warbixin joogto ah

#### *Qodobka 2aad Howlaha iyo waajibaadka Hay'adda*

Hay'addu iyadoo fulinaysa kuna dhaqmaysaa Siyaasadda iyo barnamijiyada guud ee Dawladda ee ku aaddan arrimaha la xiriira aafaooyinka la soo

gudboonaada Bulshada, iyo barnaamijyada Samafalka bini'aadanimada, waxay si gaar ah ugu xil saran tahay Hawlaha soo socda:

1. Diyaar-gareynta Qorshayaal iyo barnaamijyo heer qaran oo ku aaddan masiibooyinka, sida: ka hortagga, yareynta, ka jawaabidda degdegga ah iyo dib uga soo kabashada.
2. Ururinta Xogta iyo warbixinnda musiibooyinka ku soo fool leh dalka iyo ka bixinta digniinaha hore iyadoo kaashanaysa Hay'adaha ku shaqada leh.
3. Isu duwidda iyo qorshaynta barnaamijyada deeqaha samafalka si loogu fuliyo qorshayaasha heer qaran.
4. Diyaarinta kayd guud oo heer qaran ah oo looga jawaabi karo baahida degdegga ah ee afooyinka la soo gudboonaada Bulshada Soomaaliyeed.
5. Isku xirka iyo kormeerridda hay'adaha ku shaqada leh afooyinka kuwa dalka iyo kuwa caalamiga ah.
6. Waxay Hay'addu u xil saran tahay inay diiwaan geliso hay'adaha samafalka maxalliga ah iyo kuwa ajnabiga.
7. Maareynta iyo maamulka hawlaha la xiriira Barakacayaasha iyo qaxootiga.
8. La socodka iyo hubinta wax-qabadka dhammaan hay'adaha dalka u imaanaya samafalka iyo u fududeynta hawlhooda xagga dawladda.
9. U gudbinta Madaxda Qaranka warbixinno joogta ah oo ku saabsan xaaladaha masiibooyinka iyo habka ugu fiican ee loo maareyn karo.

### **Qodobka 3aad**

#### ***Dhaqaalaha iyo Xisaabaadka Hay'adda***

1. Hay'addu waxay ku yeelanaysaa Miisaaniyadda dawladda qoondayn u gaar ah sanadkii, oo isugu jirta hawl socodsii iyo ka jawaabidda mashaariicda deg-degga ah.
2. Hay'addu waxay yeelanaysaa hab xisaabeed hufan oo u diyaarsan kormeer iyo baaris hanti dhowrka qaran sanadkiiba mar iyo markasta oo loo baahdo.

**Qodobka 4aad**  
*Soo saarid Xeer hoosaad*

1. Hay'addu waxay yeelan doontaa xeer u gaar ah oo lagu faah-faahinayo qaab-dhismeedka iyo Maamulka Hay'adda oo aan ka hor imaanaynин sharcigan.

**Qodobka Saad**  
*Baab'i'in*

Waxaa la baabi'iyay sharci iyo xeer kasta oo ka soo horjeeda arna aan la socon karin Xeerkaan.

**Qodobka 6aad**  
*Dhaqangal*

Wuxuu Xeerkan dhaqangelayaa marka uu saxiixo Madaxweynaha Jamhuuriyadda Soomaaliya, waxaana lagu soo saarayaa Faafinta Rasmiga ah ee Dawladda.

MUQDISHO 09/08/2012

Madaxweynaha J. Soomaaliya  
*Shariif Sheekh Axmed*

XEER MADAXWEYNAHA J:S Lr. 405, taariikh 16/08/2012  
Magacaabis Nootaayo

MADAXWEYNAHA JAMHUURIYADDA SOOMAALIYA

- Markuu Arkay:-** Qodobka 39aad faqradda 2aad ee Qodobka 44aad Faqradda 1aad Xarafka "e" ee Axdiga KMG ah.
- Markuu Arkay:-** Qodobka 1aad ee Xarafka Lr.1 ee soo baxay 2da Maarsø 1962, kuna saabsan Nidaamka Nootaayada.
- Markuu Arkay:-** Xeerka Lr. 7 ee soo baxay 2da Febraayo 1986 oo awood u siinaaya Madaxweynaha in uu si toos ah u magacaabo Nootaayo.
- Markuu Arkay:-** Codsiga Dr. Maxamed Sheekh Axmed Khalif ee 30/07/2012.
- Markuu Arkay:-** Soo jeedinta Wasiirka Cadhaaladda ee Lr. WGAAD/XW/D-9/427/12 ee ku ku taariikhaysan 01/08/2012.

Wuxuu soo saaray Xeerkaan soo socda:

**Qodobka 1aad**

Waxaa Dr. Maxamed Sheekh Axmed Khalif loo magacaabay Nootaayo, wuxuuna hawshiisa ka fulinayaa magaalada Muqdisho.

**Qodobka 2aad**

Xeerkana Wuxuu dhaqan galayaa isla marka uu saxiixo Madaxweynaha Jamhuuriyadda Soomaaliya, waxaana lagu soo saarayaa Faafinta Rasmiga ah ee Dawladda.

MUQDISHO 16/08/2012

Madaxweynaha J. Soomaaliya

*Shariif Sheekh Axmed*

XEER MADAXWEYNAHA J.S Lr. 461, taariikh 25/08/2012

Magacaabis Nootaayo

**MADAXWEYNAHA JAMHUURIYADDA SOOMAALIYA**

**Markuu Arkay:-** Qodobka 39aad faqradda 2aad iyo Qodobka 44aad Faqradda laad Xarafka “e” ee Axdiga KMG ah.

**Markuu Arkay:-** Qodobka 1aad ee Xeerka Lr. 1 ee soo baxay 2da Maarsop 1962, kuna saabsan Nidaamka Nootaayaha.

**Markuu Arkay:-** Xeerka Lr. 7 ee soo baxay 2da Febraayo 1986 oo awood u siinaya Madaxweynaha in uu si toos ah u magacaabo Nootaayaha.

**Markuu Arkay:-** Codsiga Dr. Ibraahin Maxamed Axmed ee 15/08/2012.

**Markuu Arkay:-** Soo jeedinta Wasiirka Caddaaladda ee Lr. WGAAD/XW/D-9/448/12 ee ku taariikhaysan 18/08/2012.

**Wuxuu soo saaray Xeerkaan soo socda:**

**Qodobka 1aad**

Waxaa Dr. Ibraahim Maxamed Axmed loo magacaabay Nootaayo, wuxuuna hawshiisa ka fulinaya magaalada Muqdisho.

**Qodobka 2aad**

Xeerkanaan Wuxuu dhaqan galayaa isla marka uu saxiixo Madaxweynaha Jamhuuriyadda Soomaaliya, waxaana lagu soo saarayaa Faafinta Rasmiga ah ee Dawladda.

**MUQDISHO 25/08/2012**

Madaxweynaha J. Soomaaliya

*Shariif Sheekh Axmed*

XEER MADAXWEYNAHA J.S Lr. 10, taariikh 20/09/2012  
Magacaabidda Agaasimaha Guud ee Madaxtooyada (Chief of Staff)

**MADAXWEYNAHA J.F.S**

**Markuu Arkay:** - Qodobka 90aad faqradda 11aad ee Dastuurka Jamhuuriyadda Federaalka Soomaaliya.

**Markuu Arkay:** - Xeerka Sharciga Shaqaalaha Rayidka ee Dowladda Lr. 11 ee soo baxay Sta Disembar 2006.

**Markuu Garwaaqsaday:** - Baahida loo qabo dhameystirka dhismaha Hay'adaha Dawlada.

**Markuu Tixgeliyay:** - Waayo-aragnimada iyo aqoonta uu leeyahay mudanaha loo magacaabay xilkan:

**Wuxuu Xeeriyyay:**

**Qodobka 1aad**

Waxaa Kamaaludiin Daahir Xasan loo magacaabay Agaasimaha Guud ee Madaxtooyada (Chief of Staff).

**Qodobka 2aad**

Masuulkan ku tilmaaman Xeerkana wuxuu xaq u yeelanayaa wixii xuquuq ah oo ay kafaalo qaadyaan shuruucda xagga sare ku xusan iyo Sharciga Shaqaalaha Rayidka Dalka.

**Qodobka 3aad**

Xeerkana Wuxuu dhaqangelayaa marka uu saxiixo Madaxweynaha Jamhuuriyadda Federalka Soomaaliya, waxaana lagu soo saarayaa Faafinta Rasmiga ah ee Dawladda.

MUQDISHO, 20/09/2012

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S Lr. 13, taariikh 22/09/2012  
Magacaabid Madaxa Hab-Maamuuuska ee Madaxtooyada

MADAXWEYNAHA J.F.S.

**Markuu Arkay:** - Qodobka 87aad, faqradda 2aad ee Dastuurka J.F.S.

**Markuu Arkay:-** Qodobka 4aad ee Sharciga Shaqaalaha Rayidka ee Dawladda ee soo baxay 05/12/2006.

**Markuu Ogaaday:-** inay jirto baahi loo qabo in la magacaabo Madaxa Hab-Maamuuuska ee Madaxtooyada

**Isaga oo Tixgelinaaya:-** Waayo-aragnimada iyo Firfircoonda uu leeyahay mudanaha Xeerkana lagu magacaabay.

**Wuxuu soo saaray Xeerkana**

**Qodobka 1aad**

Laga Bilaabo maalinta uu Madaxweynaha Jamhuuriyadda Federalka Soomaaliyeed saxiixo Xeerkanaan, waxaa jagada Madaxa Hab-Maamuuuska loo magacaabay Mudane Ibraahim Shiikh Muxyadiin.

**Qodobka 2aad**

Waxaa heerka jagadiisa noqoneysaa A3-1, wawaana wixii xuquuq ah lagu dhaqayaa Sharciga Shaqaalaha Dawladda Lr. 11 ee soo baxay 05/12/2006.

**Qodobka 3aad**

Wuxuu Xeerkana dhaqangelayaa isla maalinta uu Madaxweynaha Jamhuuriyadda Federalka Soomaaliya saxiixo, wawaana lagu soo 'daabacayaa Faafinta Rasmiga ah ee J.F.S.

MUQDISHO 22/09/2012

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S Lr. 18, taariikh 06/10/2012  
Oggolaansho Ku Qaadid Dacwad Ciqaabeed

MADAXWEYNAHA J.F.S.

**Markuu Arkay:** - Qodobka 87aad, Xarafka "c" iyo Qodobka 90, Faqradda 3aad ee Dastuurka J.F.S.

**Markuu Arkay:** - Warqadda Xeer Ilaa liyaha Maxkamadda C.Q.S. Lr. XG/MCQS/422/2012 ee 03/10/2012 iyo Warqadda Maxkamadda Ciidamada Qalabka Sida Lr. M/CQS\_6762012 ee 03/10/2012, kuna saabsan fal dambiyeedka ay ku dhaqaqeenn S/Guuto Cabdi Maxamed Ismaaciil oo ah Taliyaha Ciidanka Asluubta Soomaaliyeed iyo Xasan Cali Axmed oo ah Agaasimaha, Garsoorka Wasaaradda Garsoorka iyo Arrimaha Diinta, dembigaasi oo ah mid aad u culus.

**Markuu Arkay:** - Qodobka 64 XCCQS oo lala akhrinaayo Qodobka 184 XCQ dembigaasi oo ah khiyaano Qaran.

**Markuu Arkay:** - Qodobka 236 XCCQ kuna saabsan gacan siin cadow

**Wuxuu soo saaray Xeerkaan**

**Qodobka 1aad**

Markuu Madaxweynaha Jamhuuriyadda Federalka Soomaaliyeed uu saxiixo Xeerkaan, waxaa laga xayuubiay Darajada uu lahaa S/Guuto Cabdi Maxamed Ismaaciil oo ahaa Taliyaha Ciidanka Asluubta Soomaaliyeed, bacdamaa uu ku eedeysan yahay dambiyio heer Qaran.

**Qodobka 2aad**

Waxaa isla Xeerkan looga xayuubiay Xasan Cali Axmed Darajada Agaasimaha Waaxda Garsoorka ee Wasaaradda Garsoorka & Arrimaha Diinta bacdamaa isla dembigaasi oo ay si wadajir ah ugu eedeysan yihiin, waxuuna Madaxweynaha oggolaaday in la hor keeno Maxkamadaha ay dacwaddan khuseyso.

**Qodobka 3aad**

Wuxuu Xeerkan dhaqangelayaas isla Maalinta uu Madaxweynaha Jamhuuriyadda Federalka Soomaaliyeed saxiixo, waxaana lagu soo daabacayaa Faafinta Rasmiga ah ee J.F.S.

MUQDISHO 06/10/2012

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S F. Lr. 23, taariikh 25/10/2012  
Oggolaanshaha Miisaaniyad Seddax Biloodle ah

MADAXWEYNAHA J.F.S.

**Markuu Arkay:** - Qodobka 87aad Xarafka "c" iyo Qodobka 90aad, Faqradda 6aad ee Dastuurka J.F.S.

**Markuu Akray:-** Xecrka Baarlamaanka ee Hab-raaca Maaliyadda iyo Xisaabta Lr. 2 soona baxay 29/12/1961.

**Markuu Arkay:-** Ansaxinta Golaha Shacabka ee ku saabsan Miisaaniyadda Saddexda Bilood Octoobar-Nofeembar-Diseembar 2012 ee Lr. 082-XG-09-12 ee 25/10/2012.

**Isaga oo Tixgelinaaya:-** Inay dan u tahay dalka iyo dadkaba inuu meel-mariyo saxiihana Miisaaniyaddaan.

**Wuxuu soo saaray Xeerkaan**

**Qodobka 1aad**

Laga bilaabo Malainta uu Madaxweynaha Jamhuuriyadda Soomaaliya saxiixo xeerkan, waxaa la meel-mariyay Miisaaniyadda Seddaxda Bilood ee Octoobar-Nofeembar-Diseembar 2012.

**Qodobka 2aad**

Waxaa loo oggolaaday Xukuumadda Federaalka ee Soomaaliya inay ku dhaqanto, qiimayso iyo inay tixgeliso Shuruucda dalka, gaar ahaan dakhliga iyo Kharashka Dawladda sida ku cad Qiimaynta Miisaaniyadda Octoobar-Nofeembar-Diseembar.

**Qodobka 3aad**

Xeerkan Wuxuu dhaqangelayaa isla maalinta uu saxiixo Madaxweynaha Jamhuuriyadda Federaalka Soomaaliya, waxaana lagu soo saarayaa Faafinta Rasmiga ah ee Jamhuuriyadda Soomaaliya.

MUQDISHO, 25/10/2012

Madaxweynaha J.F.S.

*Xasan Sheekh Maxamuud*

## Bayaan Tirsii 002/2012

Bayaanka Miisaanyiada Dowladda Jamhuuriyadda Fedaraalka Soomaliya.

Maadaama uu qeexayo axdi qarameedka Dawladda Soomaliya in uu Golaha sharci dajintu ansixiyo, dhaqan galiiyana miisaaniyad Sadex Biloodlaha ah Oct-Dec. 2012.

Maadaama ay tahay lagama maarmaan in la ansixiyo, lana qaybiyo Miisaaniyadda Dowladda Fedaraalka si ay ugu fuliso hawlaheeda Miisaaniyadda Sadex biloodlaha ah 2012ka.

Haddaba, iyadoo laga duulayo qodobka 124<sup>rd</sup> xarafkiisa (a ] ee Dastuurka Dowladda Federaalka Soomaliya, aaya waxaa la bayaamiyay sidan hoos ku xusan:-

### Oaybta Koowaad Guud ahaan

#### 1. Ciwaan gaaban

Bayaankan waxaa lagu magacaabi doona "bayaanka miisaaniyad Sadex Biloodlaha Oct.-Dec. 2012 ee tirsii 002/2012"

#### 2. Qeexid

Haddii aan haboonanshaha micnaha erayga si kale loogu bahan bayaanka dheeexdiisa waa:-

1. "Qoondayn" waxaa loo la jeedaa amar kasta oo uu Golaha sharci dajintu ku amrayo in lacag laga bixiyo Miisaaniyadda duduubka ah.
2. "Ansixin" waxaa loo la jeedaa ayidaadda uu ayido wasiirku, Miisaaniyadda ku diyaarsan walax kharasheedka qaab wafaqsan qoondo Miisaaniyadeed uu Golaha sharci dajintu sameeyay.
3. "Kharashka Mashaaricda" waxaa loo laa jeedda kharashka lagu bixiyo iibka iyo dayactirka hantida joogtada ah, oo ay ku jiraan kharashyada ay ka mid yihin kuwa tababarada iyo adeegyada latalinta.
4. "Gedab "waxaa loo la jeedaa waajibaadka noqonaya qaan hadiiba ama marka shuruudaha heshiis jiray am sharci la fuliyo.
5. "Wasir ama wasaarad" waxaa loola jeedda wasirka maaliyada iyo lacagta ama wasaarada maaliyada hadba sida ay tahay.

6. "Xafiis dawlaadeed" waxaa loo la jeedaa xafiis kasta oo ka mid ah Dowladda Federalka Soomaahya oo guud ahaan ama qayb-ahaan looga qoondeeyo miisaniyada Dowladda ee bayaankan lagu xeeriay.
7. "Kala wareejin" waxaa loola jeedaa ogolaanshaha kala warejinta Miisaaniyadda la qoondeeyey, lagana wareejiyo cinwaan, farac cinwaan mashruuc ama walax kharasheed laguna wareejiyo mid kale

### **3. Wadarta Miisaanivadda Sadex Biloodlah La Ooondeeyey.**

Miisaaniyadda Dowladda Fedaraalka Soomaaliya ayaa si ay u meel-mariso hawlaha u qorshaysan Sadex Biloodlaho misaaniyadeedka ka billabma 1 October 2012 kuna dhamaada 31 , December 2012, ayaa sida hoos ku xusan looga qoondeeyay dakhliga khasnada iyo lacagaha kale ee Dowladda, sida lagu qeexay jadwalkan. Wadarta Miisaaniyadda ee loo qoondeeyey Miisaaniyadda joogtada ah waa 37 malyan oo doolar.

### **Oaybttaa Labaad** **Maamulka Miisaanivadda**

### **4. Awoodaha Xafiisyada Dowladda Federalka Soomaaliya**

1. Wasiirkha Maaliyada iyo Lacagta waxaa loo Awood siiyay in uu fasaxo una qaybiyo dakhliga Dowladda Soomaaliya iyo lacagaha kaleba, cadadka halkan loogu qoondeeyay xafiisyadooda marka ay soo codsadaan masuulliyinta xafiisyada Dowladda Federalka Soomaaliya ee ay khusayso, si ay hawlahooda ugu fushadaan.
2. Xafiisyada Dowladda waxaa loo awood siiyay in ay diwaan-galiyaan ciwaanka Miisaaniyadda la qoondeeyay, farac ciwaanka, mashruuca ama barnaamijyada xafiisyada, kolba kuu yahay. Waana inuu talaabada lagama-maarmaanka ah ka qaataa isticmaalka daynt ama deeq kasta oo dheerada, haday tahay mood ama lacag oo laga helo illaha guudaha ama dibada looguna talogalay fulinta miisaniyada mashariicda ama barnaamijyada joogtaada ah. Sidoo kale, waxa lagama maarmaan ah in bil ka hor dhammadka sannad miisaaniyadeedka loo guudbiya warbixin Wasaarada Maaliyada iyo Lacagta.

### **5. Miisaaniyad Wareejiiin**

1. Miisaaniyadda joogtada ah waxaa loo wareejin karaa misaaniyada mashaariicda.
2. Miisaaniyadda mashaariicada looma wareejinkaro miisaaniyad joogto ah.

## **6. Miisaaniyadda wareejinta Xafiiska dhaxdiis**

1. Wasiirku wuxuu xafiis dhaxdiis:-
  - B. Kala wareejin karaa kharashka Miisaaniyadda joogtada ah walax walax
  - T. Ka wareejin karaa Miisaaniyadda mashruuc kuna wareejin karaa mashruuc kale
2. Wasiirku wuxuu u xilsaari karaa masuulka xafiiska Dowladda ee ku habboon in uu meel-mariyo ama fuliyo xilka iyo Awoodda lagu siiyay qodob-hoosaadka laad ee kor ku xusan.

## **7. Miisaainyada Wareejinta Xafiisvada Dhexdooda**

1. Wasiirku wuxuu wareejin karaa Miisaaniyadda joogtada ah ee loo qoondeeyay xafiis dawladeed in loo wareejiyo xafiis kale, kadib marka la xaqijiyo in xafiiska loo qoondeeyay Miisaaniyadda aanu wada istic-maal karayn Miisaaniyaddaas.
2. Wasürku wuxuu amri karaa in-Miisaaniyadda Mashaariicda ee loo qoondeeyay xafiis loo wareejiyo xafiis kale. Kadib marka la xaqijiyo in Miisaaniyadda yaraanta xafiiska laga dabooli karo miisaaniyad mashaariic oo loo ansixiyey sanadkaas xafiis kale oo dawli ah.

## **8. Wareejinta Sadex Biloodlaha Miisaanivadda kaydka**

Wasiirku wuxuu awoodiisa ku amri kara in Miisaaniyadda kaydka loo wareejiyo loona istic-maalo kharashka deg-dega ah kadib marka ay dhacaan hawlo gurmad deg-deg ah, oo u baahan kharash deg-deg ah, oo aan baahidoodu horay u muuqanin wakhtigi la diyaarinayay Miisaaniyadda Sadex biloodlaha ah.

## **9. Sadex Biloodlaha Miisaaniyadda Kabista**

Golaha sharci dajintu isagoo ka duulaya tala bixinta golaha fulinta ayuu meel mariyaa Saddex Bilood laha Miisaaniyadda kabista ah.

### **Oavbta Sedeexaad** **Kharash Bixin**

## **10. Dhito**

1. Dhakhliga Dowladda Federalka Soomaaliya waa in la dhigaa Bangiga Dhexe ee Fedaraalka.

2. Bangiga dhexe waa in uu aqbalaa dhitaysiga dakhliga islamarkana uu meel-mariyo kharashka bixinta istic-maalayana sanduuqa Dowladda Federalka.

## **II.Lacagta oo Laga Bixivo Miisaaniyadda Duuduubka**

1. Iyadda oo aanu golaha sharci dajintu ogolaan, wax kharash ah lagama bixin karo Miisaaniyadda duuduubka ah.
2. Lagama gali karo kharash ama gedab Miisaaniyadda la ansixiyey, ka hor inta aanu ansixin ama qoondayn wasiirku.

## **12.Xaddiga kharash Bixinta**

Waxaan ka ahayn, arimaha lagu xeeriyyay qodobada 4 ilaa 8 ee bayaankan lama oggola in la siiyo xafiis dowlad sanad miisaaniyadeed gudhiis kharash bixin ka badabn cadadka miisaaniyadeed ee loogu qoondeeyay bayaankan sadex biloodlaha Miisaaniyadda Oct-Nov-Dec 2012.

## **13. Gedab**

1. Wax gedaba lagama gali karo qoondaha, kaliya inuu soo codsado Masuulka xafiiska Dowladda ama cid uu qoraal ku wakiishay mooyee.
2. Madax kasta oo xafiis dawladeed magali karo heeshiis ama nidam kale oo uu baahan kharash, kaliya marka ay jirto haadhaa aan qaan ahayn oo ku filan in ay dabooshoo daynta la geli doono Sadex Biloodlaha (Oct-Dec) miisaaniyadeedka.
3. Wasaaraddu waxay aasaasi doontaa habraaca la raaco iyo hab diwaaneed qoraya dabagalka gedebka maaliyadeed ee walax miisaaniyadeed kasta.
4. Madaxa xafiiska dawladdu wuxuu yeellan doonaa diiwaanno lagu hubiyo gedabyada maaliyadeed ee walax kharasheed kasta habka uu u xeeriyye wasiirku.

## **14. Lacag Bixinta Agabka iyo Addeegga**

1. Ka sokow foojarada kale ama cadaymaha loo bahan yahay, Xafiis kasta oo dawladeed ma bixin karo lacag ilaa uu xaqijiyo ama hubiyo madaxa xafiisku ama cidda kale ee uu madaxa xafiisku u xil saaray.

- B. Marka lacag bixintu tahay mid la xidhiidha hawl u bahaan in la qabto, Allaab keenid ama adeeg.
- I. Waa in ay tahay shaqada laqabtay, alaabta la keenay ama adeegga la bixiyay & qiimaha la saaray mid wafaqsan heeshiiska ama haddii ayna heshiiska ku caddayn noqdaa mid macquul ah.
  - II. Waa in ay noqoto mid-wafaqsan shuruuddaha heeshiiska kharash bixintu, ka hor inta aan la dhammaystirin shaqada, aan la soo xarayn alaabta ama la hellin adeegga.
  - III. Waa in ay ahaato kharash bixinta mashaariicdu mid wafaqsan nidaamka iyo awamiirta u deggan wasaaradda isla markana macquul ah oo sugan: Ama
- T. Lacagta kharash kasta oo kale waa in ay ahaato mid uu lacag-qaatuhu xaqa u leeyahay qaadashada lacagta uu qaatay.
2. Wasaaraddu waxay soo saari kartaa nidaam lagu xaqijinayo ama hubinaayo xaqiiqda cadaymaha uu u baahan yahay qodobkani.
  3. Xafiisyada Dawladdu waxay yeelan doonaan sanduuq ay ku kayd sadaan lacagta hawl fulinta cadadka yar, cadadka lacageed ee loo isticmaali doono hawl-fulin waxaa go'aamin doona Wasiirka.

## 15. Lacagta aan la isticmaalin

1. Iyadoo lagu xeerin doono wareegtooyin ay wasaaraddu soo saarto ayaa waxaa lagu celin khasnada dhexe hadhaaga Miisaaniyadda la coondeeyey ee Saddex biloodlahaa miisaaniyadeedku ka dhacay, aan la isticmaalinna, waxaana lagu kordhinayaa sanduuqa qasnadda dhexe ee Wasaaradda.
2. Iyadoon waxba-loo dhimayn qodab-hoosadka laad ee qodobkan, ayaa waxa hadhaaga Miisaaniyadda aan la isticmaalin ee deeqda iyo daynta lagu haynayaa Miisaaniyadda duduubka, ah si loo isticmaalo marka loo arko in ay tahay lagama maarmaan .

**Qaybta Afraad**  
**Qoondaynta Miisaaniyadda**

**16.Qoondaynta Miisaaniyadda Xafiisyada Dowladda**

1. Miisaaniyadda hoos ku xusan waxaa loo qoondeeyay xafiisyada Dowladda Saddex Biloodlaho Oct-Nov-Dec. Miisaaniyadeedka 2012 waa 38 Malyan doolar
2. Faah-faahinta qoondaha Miisaaniyadda waxay ku caddahay oo ay ku fah-faahsan tahay liifaaqa I<sup>st</sup> ee Bayaankan ku Lifaaqan.

Lifaaqa 1

**JAMHUURIYADDA FEDERAALKA SOOMAALIYA**  
**Wasaaradda Maaliyadda**  
**Oct-Dec. 2012 Wax Qabadka Dowladda oo Kooban**  
**Lacagta Maraykanka**

<b>Wadarta Dakhliga Gudaha</b> Dakhliga Canshuuraha Dakhliga aan canshuurta ahayn	<b>11,215,000</b> 9,750,000 1,465,000
<b>Wadarta Deeqaha Dibadda</b> Laba dhinac	<b>10,000,000</b> 10,000,000
<b>Wadarta Dakhliga Gudaha iyo Deeqaha</b>	<b><u>21,215,000</u></b>
<b>Wadarta Miisaaniyadda Joogtada ah</b> Hay'adaha Adeegga Maamulka Hay'adah Adeegga Dhaqaalaha Hay'adaha Adeegga Bulshada Keydka kabidda	<b>38,353,545</b> 32,586,000 2,628,860 1,138,685 2,000,000
<b>Wadarta Miisaaniyadda Mashaariicda</b> Hay'adaha Adeegga Maamulka Hay'adah Adeegga Dhaqaalaha Hay'adaha Adeegga Bulshada	
<b>Wadarta Kharashka</b>	<b><u>38,353,545</u></b>
<b>Farqiga Miisaaniyadda</b>	<b>(17,138,545)</b>

XEER MADAXWEYNAHA J.S F. Lr. 024, taariikh 04/11/2012  
Magacaabis Golaha Wasiirrada Xukuumadda Jamhuuriyadda  
Federaalka Soomaaliyeed

MADAXWEYNAHA J.F.S.

**Markuu Arkay:** - Qodobka 87aad Faqraddiisa laad, Xarafka (a) iyo Faqraddiisa 2aad ee Dastuurka (KMG) Jamhuuriyadda Federaalka Soomaaliyeed

**Markuu Arkay:** - Qodobka 90aad, Xarafka (d) ee Dastuurka (KMG) Jamhuuriyadda Federaalka Soomaaliyeed.

**Markuu Arkay:** - Gudbinta Hadal-Qoraalka Kulanka Baarlamaanka Jamhuuriyadda Federaalka Soomaaliyeed SUMMAD KOI/FG01/12 ee 18ka Oktoobar 2012 kuna saabsan ansaxinta Ra'iisul Wasaaranimada Mudane Cabdi Faarax Shirdoon (Saacid)

**Markuu Tixgeliyay:** - Soo jeedinta Ra'iisul Wasaaraha Xukuumadda Jamhuuriyadda Federaalka Soomaaliyeed ee ku sumadeysan XRW/002/11/2012 kuna taariikhaysan 04/11/2012.

**Markuu Garwaqsaday:** - Baahida loo qabo in la dhisoo Golaha Xukuumadda kaddib markay Xukuumaddii hore waqtigeedii dhamaday oo Ra'iisul Wasaare cusub la magacaabay si loo helo Xukuumad u adeegta dalka iyo dadka Soomaaliyeed.

**Wuxuu soo saaray Xeerkaan**

**Qodobka 1aad**

Laga bilaabo Maalinta uu Madaxweynaha saxiixo Dikreetadan, waxaa Wasiirrada hoos ku qoran loo magacaabay Wasiir waliba Wasaaradda ku hor qoran:

1. Marwo Fowsiya Yuusuf X. Aadan, Waxaa loo magacaabay Ra'iisul Wasaare ku xigeen/ Wasiirka Arrimaha Dibadda.
2. Mudane Cabdullaahi Abyan Nuur, waxaa loo magacaabay Wasiirka Garsoorka, Arrimaha Diinta & Awqaafta.
3. Mudane Cabdixakiin Maxamuud Xaaji Fiqi, waxaa loo magacaabay Wasiirka Gaashaandhigga.
4. Mudane Cabdikariin Xuseen Guuleed, waxaa loo magacaabay Wasiirka Arrimaha Gudaha & Amniga Qaranka

5. Mudane Maxamuud Xasan Suleymaan, waxaa loo magacaabay Wasiirka Maaliyadda & Qorshaynta.
6. Mudane Cabdullaahi Ciil-Mooge Xirsi, waxaa loo magacaabay Wasiirka Warfaafinta iyo Isgaarsiinta
7. Mudane Cabdirisaaq Cumar Maxamed, waxaa loo magacaabay Wasiirka Wasaaradda Khayraadka dalka
8. Mudane Muxyadiin Maxamed Kaalmooy, waxaa loo magacaabay Wasiirka Wasaaradda Hawlaha Guud
9. Marwo/Drs. Maryan Qaasin, waxaa loo magacaabay Wasiirka Wasaaradda Horumarinta Adeegga Bulshada.
10. Mudane Maxamuud Axmed Xasan, waxaa loo magacaabay Wasiirka Wasaaradda Ganacsiga iyo Warshadaha.

**Qodobka 2aad**

Xeerkan wuxuu dhaqangelayaa marka uu saxiixo Madaxweynaha Jamhuuriyadda Federalka Soomaaliya, waxaana lagu soo saarayaa Faafinta Rasmiga ah ee Dawladda.

MUQDISHO 04/11/2012

Madaxweynaha J.F.S.  
*Xasan Sheekh Maxamuud*

XEER MADAXWEYNE J.F.S. Lr. 44, taariikh 15/12/2012

Unugga Madaxtooyada ee Ka talabixinta Istaraatijiyyadda Siyaasadda, Qorshaynta Dhaqaale, Nabadgelyada iyo Xasilinta Qaranka.

### MADAXWEYNAHA J.F.S.

**Markuu Arkay:** - Qodobka 87aad Faqraddiisa laad, Xarafka (c) iyo Faqradda 2aad ee Dastuurka J.F.S.

**Markuu Arkay:** - In loo baahan yahay inay Dawladda J.F.S la saan qaaddo is bedellada Siyaasadeed iyo Diblomaasiyadeed ee ka socda gudaha iyo dibadda ee J.F.S.

**Markuu Tixgeliyyay:** - Inay jirto baahi loo qabo in la samceyo Unugga Madaxtooyada ee Ka-tala-bixinta Istaraatijiyyadda Siyaasadeed, Qorshaynta Dhaqaale iyo Xasilinta Qaranka, kana hawlgeeli doonaan Xeel-dheerayaal aqoon u leh Arrimaha Siyaasadda, Dhaqaale iyo Nabadgelyo.

### Wuxuu soo saaray Xeerkaan

#### Qodobka 1aad

Waxaa Madaxtooyada Jamhuuriyadda Federaalka ee Soomaaliya laga abuuray Unugga Madaxtooyada ee Ka-tala-bixinta Istaraatijiyyada Siyaasadeed, Qorshaynta Dhaqaale, Nabad gelyada iyo Xasilinta Qaranka si loo dhaqan geliyo tiirkii ah oo ay ku salleyusan tahay Siyaasadda Dawladda.

#### Qodobka 2aad

Wuxuu Xafiiska Unugga Ka-tala-bixinta Istaraatijiyyada Siyaasadda, Qorshaynta Dhaqaale, Nabadgelyada iyo Xasilinta Qaranka ku yaallaa Gudaha Madaxtooyada, waxaana hawl-wadeennada Xafiiska Xeel dheerayaasha lagu soo magacaabi doonaa Xeer gaar ah.

#### Qodobka 3aad

Waxay Hawlaha Unugga noqon doonaan in laga siiyo Madaxweynaha iyo Xukuumadda talooyin dhinaca Siyaasadda, Diblomaasiyadda, Qorshaynta Dhaqaale, Nabadgelyada iyo Xasilinta Qaranka.

#### Qodobka 4aad

Xeerkan wuxuu u dhaqangelayaa si degdeg ah maalinta uu Madaxweynaha saxiixo, waxaana lagu soo daabici doonaa Faafinta Rasmiga ah ee J.F.S.

MUQDISHO, 15/12/2012

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S.F. Lr. 29, taariikh 20/12/2012  
Dallacsiiin Saraakiil

MADAXWEYNAHA J.F.S.

**Markuu Arkay:- Qodobka 9aad, Xarafka "B" ee Dastuurka J.F.S.**

**Markuu Arkay:- Xeer Lr. 15 ee soo baxay 6da Abriil 1960 kuna saabsan Dhismaha Xoogga Dalka.**

**Markuu Arkay:- Soo jeedinta Taliyaha Ciidamada XDS-Lr. XTC/XDS/521/12 ee 26/11/2012.**

**Markuu Tixgeliyay:- Mudnaanta ay Saraakiishaan mudan yihii dallacsiiin iyo Baahida loo qabo sababta oo ah inay si firfircooni u soo dhamaysteen Koorsada Layli Sarkaal.**

**Wuxuu soo saaray Xeerkaan**

**Qodobka 1aad**

Laga billaabo markii ay taariikhdu tahay 20/12/2012 wuxuu Madaxweynaha dallacsiiyay saraakiisha ay magacyadooda hoos ku xusan yihii, waxaana magac kasta oo ka mid ah loo dallacsiiyay darajada magacooda ku hor yaallo:

- |   |             |
|---|-------------|
| 1. L/Sarkaal Muuse C/raxmaan Xuseen         | - Xiddigle- |
| 2. L/Sarkaal Cali Cabdulle Aadan            | - Xiddigle- |
| 3. L/Sarkaal Yaasiin Maxamed Xasan Calasow  | - Xiddigle- |
| 4. L/Sarkaal Axmed Ibraahim C/laahi Cali    | - Xiddigle- |
| 5. L/Sarkaal C/salaam Garaad Cali Cilmi     | - Xiddigle- |
| 6. L/Sarkaal Ayaanle C/qaadir Xaaji C/laahi | - Xiddigle- |
| 7. L/Sarkaal C/fataax Aadan Maxamed Faarax  | - Xiddigle- |
| 8. L/Sarkaal Liibaan Xasan Cali Maxamuud    | - Xiddigle- |
| 9. L/Sarkaal C/kariin Cali Maxamed Rooble   | - Xiddigle- |

**Qodobka 2aad**

Wuxuu Xeerkan dhaqangelayaa isla markii uu Madaxweynaha Jamhuuriyadda Federalka Soomaaliya saxiixo, waxaana lagu soo daabici doonaa Faafinta Rasmiga ah ee Jamhuuriyadda Soomaaliya.

MUQDISHO, 20/12/2012

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S F. Lr. 30, taariikh 05/01/2013

Oggolaanshaha Miisaaniyad Sanadka 2013

**MADAXWEYNAHA J.F.S.**

**Markuu Arkay:-** Qodobka 87aad, Xarafka "C" iyo Qodobka 90aad, Faqradda 6aad ee Dastuurka J.F.S.

**Markuu Arkay:-** Xeerka Baarlamaanka ee Habraaca Maaliyadda iyo Xisaabta Lr. 2 soona baxay 29/12/1961.

**Markuu Arkay:-** Warqadda Wasiirka koowaad Lr. XRW/00171/12/12 ee 17/12/2012 kuna saabsan u soo gudbinta Miisaaniyadda Golaha Shacabka.

**Markuu Arkay:-** Warqadda Wasiirka Maaliyadda Lr. MoF, P&LC/473/2012 ee 29/12/2012 kuna saabsan Is beddelka lagu sameeyay Miisaaniyadda 2013.

**Markuu Arkay:-** Warqadda Guddoomiyahia Golaha Shacabka Lr. 188-XG-12-12 ee 31/12/2012 kuna saabsan Ansaxinta Miisaaniyadda 2013 ee Golaha Shacabka Fadhigooda laad, Kulanka 43aad ee 30/12/2012.

**Isaga oo Tixgelinaaya:** Inay dan u tahay dalka iyo dadkaba inuu meel-mariyo saxiixana Miisaaniyaddaan 2013.

**Wuxuu soo saaray Xeerkaan**

**Qodobka 1aad**

Laga bilaabo maalinta uu Madaxweynaha Jamhuuriyadda Soomaaliya saxiixo Xeerkaan, waxaa la meel mariyay Miisaaniyadda 2013.

**Qodobka 2aad**

Waxaa loo oggolaaday Xukuumadda Federaalka ee Soomaaliya inay ku dhaqanto, qiimayso iyo inay tixgeliso shuruucda dalka, gaar ahaan dakhliga iyo Kharashka Dawladda sida ku cad qiimaynta Miisaaniyadda 2013.

**Qodobka 3aad**

Wuxuu Xeerkanaan dhaqangelayaa Maalintii uu Madaxweynaha Jamhuuriyadda Federaalka Soomaaliya saxiixo, waxaana lagu soo saaraya Faafinta Rasmiga ah ee Jamhuuriyadda Soomaaliya.

**MUQDISHO, 05/01/2013**

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S F. Lr. 31, taariikh 13/01/2013  
Oggolaansho Dil Toogasho

MADAXWEYNAHA J.F.S.

- Markuu Arkay:-** Qodobka 87aad, Xarafka "C" iyo Qodobka 90aad, Faqradda 6aad ee Dastuurka J.F.S
- Markuu Arkay:-** Qodobka 90aad ee Dastuurka J.F.S.
- Markuu Arkay:-** Xeer Madaxweyne Lr. 6 ee soo baxay 30/10/1969 kuna saabsan habka Dilka dambiiłaha ay xukuntay Maxkamadda Ciidamada.
- Markuu Arkay:-** Codsiyada ku kala xusan Warqadaha Xeer ilaaliyaha Lr. XG/MCQS/41/2013 ee 12/01/2013 iyo XG/MCQS/042/2013 ee 12/01/2013 kuna saabsan Dil Bareer ah iyo Kufsi
- Markuu Arkay:-** Xukunnada Maxkamadda CQS ee kala ah: 697/2010 ee 29/12/2010 iyo 136/2011 ee 11/09/2011.
- Markuu Arkay:-** Qodobka 434aad Xeerka Ciqaabta Soomaaliyeed iyo 19aad ee Xeerka Ciqaabta Ciidamada Qalabka Sida ee Soomaali iyo Qodobada kala ah 398aad ee XCQ iyo 329aad XCCQS.
- Markuu Tixgeliyay:-** In loo baahan yahay in la badbaadiyo Dadweynaha Soomaaliyeed bacdamaa ay dawllda aaminsan tahay sida uu qabo Dastuurka in la daryeelo Nolosha Aadamiga, gaar ahaan in la badbaadiyo dadka ay ku dhacdo dhibaatada ugu badan, sida dumarka iyo in lala dagaallamo anshax xumida.

**Wuxuu soo saaray Xeerkaan**

**Qodobka 1aad**

Laga billaabo maalinta uu Madaxweynaha saxiixo Xeerkaan ku saabsan dil toogasho wuxuu oggolaaday in lagu fuliyo Dil toogasho Dambiile Jamaal Axmed Cabdułqadir, kana tirsanaan jiray Ciidanka Booliska kaasi oo si bareer ah u dilay Maxamed Axmed Caddow iyo Dambiile Cabdi Cismaan Cali Xasan oo ka tirsanaan jiray Ciidanka Xoogga Dalka Soomaaliyeed kaasi oo u geystay fal-kufsiyeed Gabadha lagu magacaabo Nuuro Caddow Shire.

**Qodobka 2aad**

Waxaa Xeer Ilaalinta iyo Maxkamadda Ciidamada Qalabka Sida la farayaa inay galalkooda u gudbiyaan Wasaaradda Arrimaha Gudaha & Amniga Quranka iyo Wasaaradda Gaashaandhigga sida uu qabo Xeerkha Lr. 6 ee soo baxay 30/10/1969.

**Qodobka 3aad**

Wuxuu Xeerkana dhaqangelayaa maalinta uu Madaxweynaha saxiixo, waxaana lagu soo saarayaan Faafinta Rasmiga ah ee Jamhuuriyadda Soomaaliya.

MUQDISHO, 13/01/2013

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S F. Lr. 32, taariikh 13/01/2013

Magacaabid Guddoomiyaha Bankiga Dhexe

MADAXWEYNAHA J.F.S.

**Markuu Arkay:** - Qodobka 87aad, Xarafka "C" Qodobka 90aad, Faqradda 12aad iyo 99aad, Xarafka "G"

**Markuu Arkay:-** Soo jeedinta Ra'iisul Wasaaraha ee ku socotay G/Wasiirrada Lr. XRW/MGC/00011/01/13 iyo Warqadda uu Ra'iisul Wasaaraha kaga codsanayo Madaxweynaha in uu ku soo saaro Xeer Madaxweyne ee Lr. XRW/MGC/00012/13 oo ay labaduba ku taariikhaysan yihiin 12/01/2013.

**Markuu Garwaaqsaday:-** Inay jirto baahi loo qabo in Hay'adaha Dawladda loo magacaabo Masuul aqoon iyo tayo sare leh, sida Bankiga Dhexe ee Qaranka

**Wuxuu soo saaray Xeerkaan**

**Qodobka 1aad**

Laga billaabo Maalinta uu Madaxweynaha saxiixo xeerkaan, waxaa Dr. Abdisalan Omar Hadliye loo magacaabay in uu noqdo Guddoomiyaha Bankiga Dhexe ee Qaranka.

**Qodobka 2aad**

Waxaa Dr. Cabdisalaan Cumar lagu maamuusayaa laguna dhaqayaa waxii xuquuq shaqaale ee ku xusan Sharciga Shaqaalaha Rayidka ee Dawladda Soomaaliyed Lr. 11 ee soo baxay 05/12/2006, darajadiisuna waa A/1.

**Qodobka 3aad**

Wuxuu Xeerkan dhaqanglayaa maalinta uu Madaxweynaha saxiixo, waxaana lagu soo saarayaa Faafinta Rasmiga ah ee Jamhuuriyadda Soomaaliya.

MUQDISHO, 13/01/2013

**Madaxweynaha J.F.S.**

*Xasan Sheekh Maxamuud*

XEER MADAXWEYNAHA J.S.F. Lr. 42, taariikh 04/02/2013

## **Magacaabid Guddiga KMG ee Gobolka Bay iyo Degmada Baydhabo**

## MADAXWEYNAGA J.F.S.

**Markuu Arkay:** - Qodobka 87aad, Xarafka "C" Qodobka 90aad, Xarafka "k" iyo 99aad Xarafka "G" Dastuurka J.F.S.

**Markuu Arkay:-** Qodobka 94aad, Faqradda 1aad ee Dastuurka J.F.S kuna saabsan ku-Simaha Madaxweynaha J.F.S

**Markuu Arkay:-** Go'aanka Golaha Wasiirrada ee ah in loo sameeyo Maamul KMG ah ee Gobollada iyo Degmooyinka dalka ee Lr. SHGW.21.01.13.

**Markuu Arkay:-** Warqadda Wasiirka Arrimaha Gudaha & Amniga Qaranka Lr. WAG&AQ/0071/13 ee 03/02/2013 kuna saabsan Maamulka ku meel gaarka ah ee Gobolka Bay iyo Warqadda ku lifaaqan oo ah soo jeedinta Odayaal dhaqameedyada ee Gobolka Bay kuna saxiixan yihiin.

**Markuu Ogaaday:-** Inay jirto baahi loo qabo in la bilaabo dhisidda Maamul u samaynta Gobollada iyo Degmooyinka si looga sii ambaqaado Mustaqbalka inay dhismaan dawlad-goboleedyo.

## **Wuxuu soo saaray Xeerkaan**

## **Qodobka laad**

Waxuu Madaxweynaha J.F.S ansixiyay laga bilaabo maanta oo ah 04/02/2013 Maamulka Ku-meelgaarka ah ee Gobolka Bay oo jiri doona ilaa lix bilood.

## Qodobka 2aad:

Waxuu Madaxweynaha ku ansixiyay isla Xeerkaan Magacyada iyo Jagooyinka ay soo ansixiyeen Odayaal dhaqameedyada, bacdamaa ay iyaga yihiin marjaca. Waxaa dib laga soo magacaabi doonaa Guddoomiye ku xigeenka laad ee Arrimaha Siyaasadda iyo Amniga. Magacyada Xubnaha la soo magacaabay iyo jagooyinka waxay kala yihiin sida soo socota:

1. Cabdi Aadan Hoosow Guddoomiyaha Gobolka Baay
  2. Mustaf Ibraahim Cali Sanbuur Guddoomiye Ku-Xigeenka  
Maamulka & Maaliyadda
  3. Ibraahim Xuseen Xasan Guddoomiye Ku-Xigeenka Arrimaha  
Bulshada

**Qodobka 3aad**

Waxaa kale oo Xeerkaan lagu magacaabay iyada oo la raacaayo soo jeedinta oday-dhaqameedyada Gobolka Baay kuna saabsan magacaabidda Xubnaha Maamulka Degmada Baydhabo, waana kuwan magacyadooda oo hoos ku xusan:

1. Xasan Macallin Axmed "Biikolo"      Guddoomiyaha Degmada Baydhabo
2. Cabdulqaadir Sheekh Cali Aadan "Baraka" Guddoomiye-Ku Xigeenka Siyaasadda & Amniga.
3. Maxamed Macallin Ibraahim "Dhalidheere" Guddoomiye-Ku- Xigeenka Maamulka & Maaliyadda.
4. Sandheere Maxamed Iftiin      Guddoomiye-Ku-Xigeenka Arrimaha Bulshada.
5. Axmed Maadey Isaaq      Xoghayaha Dawladda Hoose ee Degmada Baydhabo.

**Qodobka 3aad**

Wuxuu Xeerkan u dhaqangelayaa si degdeg ah maalinta uu Madaxweynaha saxiixo, waxaana lagu soo daabici doonaa Faafinta Rasmiga ah ee Dawladda.

**MUQDISHO, 04/02/2013**

**Madaxweynaha J.F.S.**

**Xasan Sheekh Maxamuud**

*(Waxaa madaxweynaha u saxiixay Guddoomiyaha Baarlamaanka ahna Ku - Simaha Madaxweynaha J.F.S. Mudane Maxamed Sheekh Cusmaan Jawaari)*

*Wasiirka Arrimaha Gudaha iyo Amniga Qaranka*

*Mudane C/Kartiin Xuseen Guuleed*

XEER MADAXWEYNAHA J.S F. Lr. 46, taariikh 12/02/2013  
Magacaabid Guddoomiyaha Somali Airlines

MADAXWEYNAHA J.F.S.

- Markuu Arkay:** - Qodobka 87, Xarafka "C" ee Dastuurka J.F.S.
- Markuu Arkay:-** Xeer Lr. 2 ee 17/12/1979 ee ku saabsan Somali Airlines.
- Markuu Arkay:-** Sharciga Shaqaalaha Rayidka ee Dawladda Lr. 11 ee 05/12/2006
- Markuu Arkay:-** Xeer Madaxweyne Lr. 141 ee 03/05/2012 kuna saabsan Somali Airlines.
- Markuu Arkay:-** Inay muhiim tahay in dib loo soo celiyo Tas-hiilaadkii Qaranka, sidaas darteedna waajib tahay in dawladda J.F.S ay dib u soo celiso Adeegyada loo qabto dadka.

**Markuu Tixgeliyay:-** in dib loo hawl geliyo Shirkadda Qaranka ee Somali Airlines.

**Wuxuu soo saaray Xeerkaan**

**Qodobka 1aad**

Waxaa Xeerkaan lagu magacaabay Guddoomiyaha Shirkadda Somali Airlines, Mudane Maxamuud Maxamed Guuleed, iyada oo laga faa'iidayasanayo Waayo-aragnimadiisa, bacdamaa uu muddo dheer hoggaanka u hayay, hormuudna ka ahaa horumarinta Shirkadda Somali Airlines.

**Qodobka 2aad**

Waxaa Xeerkan lagu baabi'iyay sharci ama xeer kasta oo ka hor imaanaya.

**Qodobka 3aad**

Wuxuu Xeerkan dhaqangelayaa marka uu Madaxweynaha Jamhuuriyadda Federalka Soomaaliya saxiyo, waxaana lagu soo daabacayaa Faafinta Rasmiga ah ee Jamhuuriyadda Soomaaliya.

MUQDISHO 12/02/2013

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S F. Lr. 48, taariikh 14/02/2013

Oggolaansho Dil Toogasho

MADAXWEYNAHA J.F.S.

**Markuu Arkay:-** Qodobka 87aad, Xarafka "C" iyo Qodobka 90aad, Faqradda 6aad ee Dastuurka J.F.S

**Markuu Arkay:-** Xeer Madaxweyne Lr. 6 ee soc baxay 30/10/1969 kuna saabsan habka Dilka dembiilaha ay xukuntay Maxkamadda Ciidamada.

**Markuu Arkay:-** Codsiyada ku kala xusan Warqadaha Xeer ilaaliyaha Lr. XG/MCQS/200/2013.

**Markuu Arkay:-** Xukunka Maxkamadda CQS Lr. 139/2010 ee 25/01/2010 kuna saabsan Xukunka dilka ah ee Xukunsane Ex Labo Kiddigle Xoogga Dalka, Cabdirashiid Cali Xasan, ina Xaliimo Raage.

**Markuu Arkay:-** Qodobka 434aad Xeerka Ciqaabta Soomaaliyeed iyo 19aad ee Xeerka Ciqaabta Ciidamada Qalabka Sida.

**Markuu Tixgeliyay:-** In loo baahan yahay in la badbaadiyo Dadweynaha Soomaaliyeed bacdamaa ay waajib ku tahay in la badbaadiyo Nolosha Dadka Soomaaliyeed iyada oo la dhownraayo in uu qof kasta xaq u leeyahay nolol, sida uu qabo Qodobka 13aad ee Dastuurka J.F.S.

Wuxuu soo saaray Xeerkaan

Qodobka 1aad

Laga billaabo maalinta uu Madaxweynaha saxiixo Xeerkaan ku saabsan dil toogasho wuxuu oggolaaday in lagu fuliyo Dil toogasho Dembiile Cabdirashiid Cali Xasan oo horay uga tirsanaa Xoogga Dalka, kaasi oo si bareer ah u dilay Marxuum Cali Cabdi Muuxyadiin markii ay taariikhdu ahayd 27/12/2009.

Qodobka 2aad

Waxaa Xeer-Ilaalinta iyo Maxkamadda Ciidamada Qalabka Sida la farayaan inay galalkooda u gudbiyaan Wasaaradda Arrimaha Gudaha & Amniga Qaranka iyo Wasaaradda Gaashaandhigga sida uu qabo Xeerka Lr. 6 ee soo baxay 30/10/1969.

**Qodobka 3aad**

Wuxuu Xeerkan dhaqangelayaa maalinta uu Madaxweynaha saxiixo, waxaana lagu soo saari doonaa Faafinta Rasmiga ah ee Jamhuuriyadda Soomaaliya.

MUQDISHO, 14/02/2013

Madaxweynaha J.F.S.

*Xasan Sheekh Maxamuud*

XEER MADAXWEYNAHA J.S F. Lr. 49, taariikh 14/02/2013

Oggolaancho Dil Toogasho

MADAXWEYNAHA J.F.S.

**Markuu Arkay:-** Qodobka 87aad, Xarafka "C" iyo Qodobka 90aad, Faqradda 6aad ee Dastuurka J.F.S

**Markuu Arkay:-** Xeer Madaxweyne Lr. 6 ee soo baxay 30/10/1969 kuna saabsan habka Dilka dembiilaha ay xukuntay Maxkamadda Ciidamada.

**Markuu Arkay:-** Codsiyada ku kala xusan Warqadaha Xeer-ilaaliyaha Lr. XG/MCQS/200/2013.

**Markuu Arkay:-** Xukunka Maxkamadda CQS Lr. 319/2010 ee 14/12/2011 kuna saabsan Xukunka dilka ah ee Xukunsanayaasha kala ah: Ex D/Le Cabbaas Cumar Kasiir iyo Ex D/LE Cabdullaahi Cumar Kasiir oo labaduba walaalo ah.

**Markuu Arkay:-** Qodobka 434aad Xeerka Ciqaabta Soomaaliyeed iyo 19aad ee Xeerka Ciqaabta Ciidamada Qalabka Sida.

**Markuu Tixgeliyay:-** In loo baahan yahay in la badbaadiyo Dadweynaha Soomaaliyeed bacdamaa ay waajib ku tahay in la badbaadiyo Nolosha Dadka Soomaaliyeed iyada oo la dhowraayo in uu qof kasta xaq u leeyahay nolol, sida uu qabo Qodobka 13aad ee Dastuurka J.F.S.

**Wuxuu soo saaray Xeerkaan**

**Qodobka 1aad**

Laga billaabo maalinta uu Madaxweynaha saxiixo Xeerkaan ku saabsan dil toogasho wuxuu oggolaaday in lagu fuliyo Dil toogasho Dembiilayaasha kala ah: Cabbaas Cumar Kasiir iyo Cabdullaahi Cumar Kasiir oo horay labaduba uga tirsanaan jiray Xoogga Dalka, kuwaasi oo si bareer ah u dilay Marxuumiinta kala ah: Ex D/LE Shucayb Xasan Dhagoole, Maxamed Faarax Nuur iyo Casiiso Xasan Xuseen, waxay dhawawaceen dadka kala ah: L/A Boliis 17601 Daa'uud Xuseen Xasan iyo Ilyas Daa'uud Xuseen oo toddobo jir ahayd 22/09/2011, Waxuu dilka iyo dhaawaca ka dhaceen Camps-ka Qaxootiga ee ku yaalla Aagga Baar Bulsho.

**Qodobka 2aad**

Waxaa Xeer-Ilaalinta iyo Maxkamadda Ciidamada Qalabka Sida la farayaa inay galalkooda u gudbiyaan Wasaaradda Arrimaha Gudaha & Amniga Qaranka iyo Wasaaradda Gaashaandhigga sida uu qabo Xeerkha Lr. 6 ee soo baxay 30/10/1969.

**Qodobka 3aad**

Wuxuu Xeerkana dhaqangelayaa maalinta uu Madaxweynaha saxiixo, waxaana lagu soo saarayaa Faafinta Rasmiga ah ee Jamhuuriyadda Soomaaliya.

MUQDISHO, 14/02/2013

Madaxweynaha J.F.S.

*Xasan Sheekh Maxamuud*